

昌樂縣續志卷二十七

忠義傳

士大夫食人之祿一遇事變輒豕突鼠竄以去甚或從賊棄忠義於弗顧此人心之壞世變所以日亟也昌樂人士自昔奉諸先達教言講明節義以故清咸同間匪亂疊經執戈敵愾視死如歸父歿子從兄仆弟繼忠肝義胆雨泣風號垂及民國効忠致命者尙不乏人嗚呼烈已作忠義傳

晉

劉敏元

明

昌樂縣續志

卷二十七

忠義傳

一

劉民範

清

閻澤民

季文繡

王繼先

戴文光

戴中孚

戴鴻達

戴鳳翔

戴鴻舉

戴鴻磐

郟湘筠

牟爾恭

劉熙泉

劉寶三

田中正

趙滋田

王繼良

民國

王子芬

董福祥

祝長春

劉兆龍

李樹聲

劉敏元字道光北海人也厲已修行不以險難改心好星歷陰陽術數潛心易太玄不好讀史嘗謂同志曰誦書當味義根何爲費功於浮辭之文易者義之源太玄理之門能明此者即吾師也永嘉之亂自齊西奔同縣管平年七十餘隨敏元而西行及滎陽爲盜所劫敏元已免乃還謂賊曰此公孤老餘年無幾敏元請以身代願諸君舍之賊曰此公於君何親敏元曰同邑人也窮窶無子

昌樂縣續志

卷二十七

忠義傳

二

依敏元爲命諸君若欲役之老不堪使若欲食之復不如敏元乞諸君哀也有一賊瞋目叱敏元曰吾不放此公憂不得汝乎敏元奮劍曰吾豈望生耶當殺汝而後死此公窮老神祇尙當哀矜之吾親非骨肉義非師友但以見投之故乞以身代諸大夫慈惠皆有聽吾之色汝何有靦面目而發斯言顧謂諸盜長曰夫仁義何常甯可失諸君子上當爲高皇光武之事下豈失爲陳項乎當取之由道使所過稱詠威德奈何容畜此人以損盛美當爲諸君除此人以成諸君霸王之業前將斬之盜長遽止之而相謂曰義士也害之犯義乃俱免之後仕劉曜爲中書侍郎太尉長史

晉書忠義傳

劉民範幼穎悟尙氣節喜讀秦漢文章崇禎丙子舉於鄉未幾兵

禍起執大義開諭亂卒詞不少屈遂遇害年五十八歲

閻澤民字春膏咸豐乙卯武舉歸青州營効力署博興汎把總時英夷不靖公帶兵防堵旋蒙僧邸帥調赴大營征教捻二匪屢立戰功已擬守備擢用十一年春捻匪東竄擾及青萊公奉帥命追勦至安邱等處多所斬獲調取回營路過昌境邑父老以公知兵呈請留辦團練八月間捻匪麤至梭織焚掠昌境實當其衝公率勇拒敵至馬宋廠將賊橫中衝斷與後隊轉戰十餘里至胡田莊殺賊無算不意賊前隊回裏後勇不得前救力竭陣亡時年二十九歲八月二十四日也事聞卹贈守備世職從祀本籍忠義祠

季文繡者優部中人也咸豐辛酉之變阿陀一鄉衆避叢山文繡

昌樂縣續志

卷二十七

忠義傳

三

曰困守非計也我寡又非彼敵出奇兵以懼之其有濟乃建旗鳴號設疑兵數處匪隊果驚逸一鄉得無恙

王繼先武庠生勇力絕倫善擊刺同治六年十一月髮逆入境肆行殺擄繼先赫怒持雙刀突入賊隊刺中紅衣賊奪回難民十餘內一童子極雅馴細問始十五歲爲臨朐蔣峪侯姓亂定親送至其家

戴文光字質生國學生同懷三人公居長父沒與弟同居家故裕慷慨好義道光戊戌歲大稜道殫相望家有積粟悉散以賙鄉里咸豐庚申皖匪竄擾山左戒嚴撫院譚奉上諭札飭各縣令辦理團練文光弟中孚承邑侯郭石臣先生面諭應練總文光出家資

製器械與弟中孚督同族丁壯練習技勇爲防禦計辛酉春賊東
竄邑境文光偕弟中孚親率族衆與捻匪接仗槍礮迭施所殺過
當賊勢頓卻旣而援賊大至衆寡不敵力竭身殉時二月二十一
也同時弟中孚子鳳翔鴻磐姪鴻達鴻舉皆死之並族衆以戰陣
亡者蓋五十有六人事聞卹給雲騎尉世職崇祀昭忠祠從祀本
籍忠義祠

中孚字木舟恩貢生性孝友父沒事兄如父凡事稟命惟謹辛酉
之難以兄年高常左右之兄被刺創甚呼弟勿顧我速殺賊時中
孚亦被數槍負傷督衆力戰量絕於地與兄俱殉卹給雲騎尉世
職崇祀昭忠祠從祀忠義祠

昌樂縣續志

卷二十七

忠義傳

四

鴻達字翔九邑庠生中孚子嗜古篤學工書法髮逆逼近山左鴻
達蒿日時艱憂及桑梓每於風清月白之夕與從弟鳳翔鴻舉輩
講習兵家擊刺騎射之法及辦團即以其術訓練族衆後賊大至
公以少年書生奮身救父賊叢刃焉慘不忍言至今父老話及猶
痛惜不已卹給雲騎尉世職崇祀昭忠祠從祀本籍忠義祠

鳳翔字仞千國學生少負奇穎有才思父文光以年高命隨侍左
右綜家務鳳翔奉命謹準情酌理無不勝任愉快每晚餐後父母
就寢輒至校中讀書或練習技藝時維邑忤倖田孝廉設帳君家
每歎其志行之美以爲天授從兄鴻達之被戕也公亦執戈殺賊
遇害士林惜之卹給雲騎尉世職崇祀昭忠祠從祀本籍忠義祠

鴻舉字德潛增廣生少讀書聰明穎悟文藻秀出篤內行與人交詳欵誠至從父文光尤憐愛之賊至從諸兄奮鬪力窮爲賊所戕義勇本乎道德仁者必有勇公其有焉卹給雲騎尉世職崇祀昭忠祠從祀本籍忠義祠

鴻磐字國石性孝友德器純粹有父風戴氏仁和團衆鴻磐最少年未弱冠及父兄遇害朋輩請偕逃鴻磐泣曰吾恨不能殺賊父兄死吾何生焉奮身赴敵死上諭崇祀昭忠祠從祀本籍忠義祠
郟湘筠字竹溪庠生咸豐辛酉捻匪過境奉母避亂孤山抵山下與賊隊遇被擄託鄰媪偕母入山匪脅使從罵曰吾讀聖賢書所學何事安肯從賊遂遇害事聞崇祀本籍忠義祠

昌樂縣續志

卷二十七

忠義傳

五

牟爾恭字肅園邑庠生天姿英毅篤學力行咸豐庚申督辦團練與仁和團戴氏昆仲約共禦賊兩相應辛酉春捻匪擁至兩團聲息不通公率衆苦戰援竭力窮遂以身殉事聞卹給雲騎尉世

職崇祀昭忠祠從祀本籍忠義祠

省志誤作牟庭芸庭芸係爾恭子謹爲標明附記於此

劉熙泉性慷慨好義辛酉之變與王汝楠倡義築寨未竟而賊至熙泉與女俱被擄脅使從罵不絕口賊支解之女亦受慘傷賊去救治得活時有劉仁鄉者與熙泉同時被擄罵賊賊以刀洞其胸投水中死之

劉寶二字次侯業農咸豐辛酉倡義築寨堅守幸無恙八月間捻匪復至寶三辦團捍禦旋蒙閩守備澤民調遷率鄉勇追勦與賊

戰於胡田寶三奮勇直前殺賊無數賊蝟集救援不繼澤民陣亡
寶三與族孫相儀皆死之

田中正字立齋咸豐辛酉捻逆掠境中正扶父母赴鳳山避亂途
遇賊被擄不屈死

趙滋田農家子同治五年髮逆過境村民皆逃避滋田獨力抗禦
被賊以烏槍擊中斃命

王繼良字善甫鄉飲介賓性謹嚴見義勇爲咸豐庚申奉邑侯郭
公諭團練鄉勇繼良集村丁二百餘人曉以大義捐資製槍礮度
地勢因村西柳泉故城基築土爲垣不數月告竣辛酉春捻匪竄
邑境繼良率衆禦於丹河崖賊以馬隊橫衝礮發斃其馬賊二旣

昌樂縣續志

卷二十七

忠義傳

六

而賊大至度不敵退入堡晝夜力守賊乃去其從弟繼儉被擄罵
賊死亂定後割膏田五畝恤其家邑侯申詳大憲賜給六品冠帶
王子芬先烈城西堯溝街人幼穎慧好讀書忠勇異常自清光緒
三十四年加入同盟會從胡英爲軍事工作後被囚於武昌獄中
辛亥起義乃出獄任胡軍秘書長從胡率民軍由長江水路進取
山東烟台附近諸縣促成共和先生多所襄贊實本黨中忠實幹
練份子也民國元年充任山東省議會電報主任民國二年因北
方政見紛歧乃辭職赴湘供職湖南檢察使署科長民國三年袁
世凱叛黨稱帝先生復由湘去北平聯絡北方同志舉行討袁不
幸消息洩漏於民國三年三月八日由北平返魯時袁逆乃電令

山東泰武將軍靳雲鵬將先生逮捕慘殺屍體不知下落時年四十有三成仁取義功在黨國爲吾魯革命史上放一異彩嗚呼烈矣

董福祥字瑞亭民國九年縣立高級小學畢業十五年任西堯區保衛團隊長十七年任縣警備隊隊長勦紀匪奪大槍一縣長盧獎洋三十元十八年由民團總局委充第一區民團隊長勦雜匪獲匪一槍一偵匪至水坡僅帶團丁二人匪覺鳴槍相擊福祥還擊斃數匪而身亦著重傷竟不起時十月二十一日也年三十一歲縣人於先農壇開會追悼葬時縣長同團總親往祭奠見者無不垂淚云

昌樂縣續志

卷二十七

忠義傳

七

祝長春劉兆龍皆八區團丁也民國十八年夏土匪蠡起區東段與安濰毗連匪出沒無常尤難防禦一日隨團總趙系亭赴鄉遊擊有土匪四十餘人伏宋家河圍牆內發槍迎擊民團進勦兩人奮勇登牆殺賊奪賊槍遂同遇害鄉人皆悼傷送葬致祭者雲集焉

李樹聲字駿階民國十八年在阿陀鎮辦團防匪有膽識一方恃爲長城偶以事至家爲匪偵知劫去遇害二十年十二月區人開會追悼之

忠義傳卷二十七終